



Namminersorlutik Oqartussat ingerlatseqatigiiffiini ingerlatsilluarnissamut
najoqqutassat pillugit nalunaaruteqarneq
2023

Royal Arctic Line A/S-imut 2022-mut tunngatillugu nassuiaat

Inassuteqaat	Ingerlatseqatigiiffiup malippaa	Ingerlatseqatigiiffiup malingilaa	<p>Ingerlatseqatigiiffiup inassutigineqartut malippai/malinngilai makku pissutigalugit:</p> <p>Inassutigineqartut malinneqarpat ingerlatseqatigiiffik nassuiaateqarnissaminut pisussaaitaanngilaq, taamaattorli nassuiaatigineqarpat iluaqutaasaaq taamaasiortoqarneratigut inassutigineqartut malinniarlugit ingerlatseqatigiiffik qanoq iliuuseqartarnersoq takuneqarsinnaassammat.</p>
--------------	---------------------------------	-----------------------------------	--

1. Aktiaatillit inissisimanerat aamma ingerlatseqatigiiffimmi aqutsisunik suleqateqarneq

1.1. Ingerlatseqatigiiffiup aktiaatillillu akornanni oqaloqatigiinneq

<p>1.1.1. Ingerlatseqatigiiffiup aktiaatillillu akornanni ingerlaavartumik oqaloqatigiittarneq siulersuisunit qulakkeerneqassasoq inassutigineqarpoq, taamaalilluni ingerlatseqatigiiffimmut tunngatillugu aktiaatillip isumai, soqutigisai isiginninneralu siulersuisunit ilisimaneqarlutik.</p>	Malippaa		<p>Royal Arctic Linemi siulersuisut pisortaqtigiillu eqeersimaartumik piginnittoqarneq tapersorsorpaat, taamaattumillu piginnittup sinnisai qanittumik oqaloqatigisarlugit; Naalakkersuisut siulittaasuata Naalakkersuisoqarfia aamma Ineqarnermut Attaveqaasersuutinullu Naalakkersuisoqarfik. Piginnittut ataatsimeeqatigineqartarput angusat ineriartorfiunerini malunnaatilinnik ineriartortoqarnera imaluunniit allannguuteqarnera kiisalu suliat inuiaqatigiinnut tunngatillugu imaluunniit inuiaqatigiit aningaasaqarnerannut tunngatillugu pingaaruteqarsinnaasut siulersuisut siulittaasuannit ilisimatitsissutigineqartarlutik. Assartuinnermut akit angalanermullu pilersaarut pingarneq piginnittut sinniisaannit akuersissutigineqartarput, soorlu aamma aalajangiinerit annertuut tamaasa atuutilersinneqannginnerini piginnittut sinniisaannut oqaaseqaateqarfigisassanngorlugit nassiinneqartartut. Kiisalu piginnittut nalunaarusiat aningaasaqarnikkullu kisitsisit pingarnerit Royal Arctic Linemit pissarsiarisarpaat.</p>
--	----------	--	--

1.2. Aningaasaatit aqqissugaaneri

<p>1.2.1. Ingerlatseqatigiiffiup aningaasatigut aqqissugaanera sulii aktiaatillit ingerlatseqatigiiffiullu soqutigisaaniinnersoq siulersuisunit ukiumoortumik nalilerneqartassasoq, kiisalu ingerlatseqatigiiffiup ukiumoortumik nalunaarusiaani aqutsisut nassuiaataanni tamatuma nalilersornerata nassuiarneqartarnissaa inassutigineqarpoq.</p>	Malippaa		<p>Siulersuisut ukiumut pilersaarutaat naapertorlugi siulersuisut tamanna siulersuisut nalinginnaasumik ataatsimiinneranni Q4-mi naliliiffigissavaat. Ingerlatseqatigiiffiup ukiumoortumik nalunaarusiaa aamma innersuusutigineqarpoq.</p>
---	----------	--	--

2. Soqutigisaqartut inissisimanerisa ingerlatseqatigiiffimmut pingaaruteqarnera kiisalu inuiaqatigiinnut akisussaassuseq

2.1. Soqutigisaqartut inissisimanerisa ingerlatseqatigiiffimmut pingaaruteqarnera kiisalu inuiaqatigiinnut akisussaassuseq

<p>2.1.1. Ingerlatseqatigiiffimmut soqutigisaqartunut naleqqiullugu ingerlatseqatigiiffiup ingerlatsinera siulersuisunit akuersissutigineqassasoq inassutigineqarpoq, ingerlatseqatigiiffiullu tamanna pillugu ingerlatsineranut naapertuuttumik soqutigisaqartut soqutigisaasa ataqqineqarnissaat qulakkeerlugu.</p>	<p>Malippaa</p>		<p>Ingerlatseqatigiiffiup soqutigisaqartunut politikkaa ingerlatseqatigiiffiup nittartagaani www.ral.gl-imi pissarsiarineqarsinnaavoq, kingullermillu marsip 18-iani 2016-imi nutartigaalluni.</p>
<h3>2.2. Inuiaqatigiinnut akisussaaneq</h3>			
<p>2.2.1. Ingerlatseqatigiiffiup inuiaqatigiinnut akisussaassuseqarnera pillugu ingerlatsinissaq siulersuisunit akuersissutigineqassasoq inassutigineqarpoq.</p>	<p>Malippaa</p>		<p>Ingerlatseqatigiiffiup inuiaqatigiinnut akisussaaqataaneq pillugu politikkaa ingerlatseqatigiiffiup nittartagaani pissarsiarineqarsinnaavoq, kingullermillu septembarip aallaqqaataani 2014-imi nutartigaalluni.</p>

<p>2.2.2. Ingerlatseqatigiiffiup inuiaqatigiinnut akisussaassuseqartumik ingerlatsinini ukiumoortumik nalunaarusiami nassuiaatigissagaa inassutigineqarpoq imaluunniit tamatumunnga nassuiaat ukiup kingulliup qaangiutinnginnerani saqqummiunneqartoq ukiumoortumik nalunaarusiami innersuussutugalugu. Nassuiaat minnerpaamik paasissutissanik makkuninnga imaqartariaqarpoq:</p> <p>Ingerlatseqatigiiffiup inuiaqatigiinnut akisussaanera pillugu ingerlatsineq, tassunga ilanngullugit malitassat, najoqutassiat imaluunniit ingerlatseqatigiiffiup atugai inuiaqatigiinnut akisussaassusermi tunngaviit.</p> <p>b) Inuiaqatigiinnut akisussaassuseqartumik ingerlatsinini qanoq ingerlatseqatigiiffiup iliuseqarnikkut piviusunngortippaa, tassunga ilanngullugu tamanna pillugu aaqqissuussinerit imaluunniit suleriaatsit.</p> <p>c) Ukiumi naatsorsuusiorfiusumi inuiaqatigiinnut akisussaassuseqarnermi ingerlatseqatigiiffiup sulinera naapertorlugu suut anguneqarsimanagerani ingerlatseqatigiiffiup naliliinera, kiisalu siunissami sulinissamut ingerlatseqatigiiffiup naatsorsuutigisai.</p> <p>d) Nassuiaat innersuussinerluunniit aqutsisut nalunaarutaannut atassuteqassaaq.</p> <p>e) Ingerlatseqatigiiffinnut suliffissuaqarfik pillugu</p>	<p>Malippaa</p>	<p>Ingerlatseqatigiiffiup CSR-imik suliniutai anguniagaalu ukiumoortumik CSR pillugu nalunaarusiami immikkut nalunaarutigineqartarput. Nalunaaruteqarnerup Ingerlatseqatigiiffiit pillugit inatsimmi §99a-mut §99b-mullu naapertuunnerat kukkunersiuusumit uppersarneqartarpoq. Nalunaarusiaq ingerlatseqatigiiffiup nittartagaatigut saqqummiunneqartarpoq.</p> <p>Piujartitsineq pillugu periusissiaq, piujartitsineq pillugu nalunaarusiami nassuiaatigineqartussa 2022-mi akuersissutigineqarpoq. Tassungalu atasumik piujartitsineq pillugu iliussissat pillugit pilersaarut suliarineqaleruttarpoq 2023-milu ukiup affaani siullermi naammassineqassalluni.</p>
--	-----------------	---

naatsorsuusiortunut suliffissuaqarfik tamaat isigalugu nassuiaasiortoqarnera naammassaaq.			
---	--	--	--

3. Isertuungissuseq Paasiuminartuunerlu

3.1. Niurfimmut paasissutissanik tunniussineq

3.1.1. Attaveqatigiinnermut iliuusissamik siulersuisut akuersissasut inassutigineqarpoq.	Malippaa		Royal Arctic Linep attaveqatigiinnermut politikkia kingullermik nutarterneqarlunilu akuersissutigineqarpoq marsip pingajuani 2017-imi.
---	----------	--	---

<p>3.1.2. Atortussat tamarmik Erhvervsstyrelsi aqutugalugu pissarsiarineqarsinnaasut ingerlatseqatigiiffiup nittartagaatigut tamanut saqqummiunnissaat inassutigineqarpoq.</p>	<p>Malippaa</p>		<p>Ukiumoortumik ukiullu affaanut nalunaarusiat, ingerlatseqatigiiffimmut ileqqoreqqusat kiisalu siulersuisut suleriaasissaat Royal Arctic Linep nittartagaatigut pissarsiarineqarsinnaapput.</p>
<p>3.1.3 Ukioq naallugu sulisumut ataatsimut akissarsiat katillugit ukiumoortumik nalunaarusiamiilisimatitsissutigineqarnissaat inassutigineqarpoq.</p>	<p>Malippaa</p>		<p>Ukioq naallugu sulisumut ataatsimut akissarsiat katinneri kiisalu piffissaq tamakkerlugu sulisorisat amerlassusaat Royal Arctic Linep ukiumoortumik nalunaarusiaani nalinginnaasumik saqqummiunneqartarput.</p>
<p>3.1.4. Siulersuisuni ilaasortaniit taakkuluunniit qanigisaanniit sullissinernik ingerlatseqatigiiffiuppisinnginnissaa inassutigineqarpoq, tassunga ilanngullugit suliffeqarfiit taakkunani ilaasortat piginnittunut ilaasut. Pisuni ataasiakkaani ingerlatseqatigiiffimmi siulersuisunut ilaasortat ingerlatseqatigiiffimmi sullissinernut neqerooruteqarniartillugit tamanna pisortat suliarinnittussarsiuussineranni tunngaviit naapertorlugit ingerlanneqartassaaq.</p>	<p>Malippaa</p>		<p>Siulersuisut suleriaasianni § 4.4-mi aalajangersarneqarpoq siulersuisunut ilaasortaq, sinniisussaq imaluunniit pisortaq ingerlatseqatigiiffimmut isumaqatigiissuteqassappat isumaqatigiissut siulersuisunit akuersissutigineqassasoq.</p>

<p>3.1.5. Siulersuisuni ilaasortat ataasiakkaat aammaqullersaqarfiup immikkut piginnaasai pillugit ukiumoortumik nalunaarusiami nassuiaasoqarnissaa inassutigineqarpoq. Ukiumoortumik nalunaarusiaq siulersuisuni ilaasortat aamma qullersaqarfik pillugu paasisutissanik makkuninnga minnerpaamik imaqartariaqarpoq:</p> <ul style="list-style-type: none"> a) Pineqartup atorfia ukiuilu b) Pineqartup allatigut aqutsinermi suliai, tassunga ilanngullugit kalaallit nunaanninunanilu allani suliffeqarfinni qullersaqarfinni, siulersuisuni nakkutilliinermi siunnersuisoqatigiinni atorfiit, aqutsisuni ataatsimiititaliat ilanngullugit, kiisalu suliffeqarfimmi suliat pisariusut, aamma c) Ilaasortat ataasiakkaat immikkutpiginnaasaat d) Ilaasortap siulersuisuni/qullersaqarfimmi isernerani piffissaq. 	<p>Malippaa</p>		<p>a), b), c) aamma d)-mut tunngasut ingerlatseqatigiiffiup nittartagaani nassuiaatigineqarput.</p>
<p>3.1.6. Inassutigineqarpoq siulersuisut qasseriarlutik ataatsimiissimanerat ukiumoortumiknalunaarusiami paasisutissiissutigineqassasoq.</p>	<p>Malippaa</p>		<p>Siulersuisut suleriaasianni § 3 naapertorlugu ataatsimiinnerit ikinnerpaamik sisamat ukiumut ingerlanneqartarput. 2022-mi katillugit ataatsimiinnerit arfinillit ingerlanneqarput, taakkunanga sisamat nalinginnaasuullutik, marluk immikkut ittumik ataatsimiinnerupput.</p>

4. Siulersuisut suliaat akisussaaffiilu

4.1. Pingaarnertigut suliassat akisussaaffiilu

4.1.1. Ingerlatseqatigiiffimmi nalinik pilersitsinissap qulakkeerneqarnissaa kiisalu iliuusissap aktiaatillit pingaarnertigut anguniagaannik tapersersuinissaa siunertaralugu ingerlatseqatigiiffiup pingaarnertigut iliuusissaanik ukiumut ataasiarluni siulersuisut aalajangersaasarnissaat inassutigineqarpoq.	Malippaa		Periusissiaq maanna atuuttoq siulersuisunit decembarip aappaani 2021-mi akuersissutigineqarpoq. pilersaarusiornikkullu suliniutit ineriartorfiuneranut ingerlaavartumik nalunaaruteqarnerit tunngavigalugit periusissiaq ingerlaavartumik nalilersuiffigineqartarpoq, qaammammoortumik nalunaaruteqartarnerit kiisalu pisortaqatigiit siulersuisut ileqquusumik ataatsimiinnerini nalunaarutaat tunngavigalugit.
4.1.2. Ingerlatseqatigiiffimmik aningaasatigut aqutsisoqarnikkullu nakkutilliinermut atatillugu siulersuisut suliassatik pingaarnertit ikinnerpaamik ukiumut ataasiarlutik aalajangersartassagaat inassutigineqarpoq, tassunga ilanngullugu qullersaqarfiup suliaanik siulersuisunit qanoq nakkutilliisoqassanersoq.	Malippaa		Siulersuisut ingerlatseqatigiiffimmi aningaasatigut aqutsisoqarnikkullu nakkutilliinermut atatillugu suliassaat pingaarnertit siulersuisut suleriaasianni nassuiarneqarput. Siulersuisut suleriaasissaat siulersuisut ukiumut pilersaarutaannut naleqqiullugu ukiumoortumik oqaluuserineqartarpoq, siulersuisut ukiumoortumik ileqquusumik ataatsimiinneranni siullermi (immikkoortoq 4.3.1 aamma takuuk).

4.2 Assigiinngisitaartuuneq

<p>4.2.1 Ingerlatseqatigiiffiup aqutsisuini assigiinngisitaartuuneq qulakkeerniarlugu ingerlatseqatigiiffiup suliniutai ukiut tamaasa siulersuisuni oqallisigineqartarnissaat inassutigineqarpoq, tassunga ilanngullugit arnat angutillu assigiimmik periarfissaqarnerat, aamma sumiiffimmut tunngasuunera qulakkeerneqarluni. Siulersuisut assigiinngisitaartuunermut anguniagassanik tigussaasunik aalajangersaassapput aamma ingerlatseqatigiiffiup ukiumoortumik nalunaarusiaani aqutsisut nassuiaataanni tamatuma naammassiniarneranut killiffik anguniarlugu nassuiaasiorlutik.</p>	<p>Malippaa</p>		<p>Royal Arctic Linep siulersuisuisa ingerlatseqatigiiffimmi aqutsisoqarnikkut assigiinngisitaartuunissamut najoqqutassiat maajimi 2015-imi akuersissutigaa. Atorfinitsitsinissamut malittarisassat assigiinngisitaartuunissamik kissaateqarnerup qulakkeernissaanut tapersiisut ingerlatseqatigiiffiup atorpai. Royal Arctic Linep isumaa tassaavoq aqutsisunik atorfinitsitsiniarnermi piginnaasat uuttuutissat pingarnerisarigaat.</p>
---	-----------------	--	---

4.3. Suleriaasissat ilitsersuutillu

<p>4.3.1. Ingerlatseqatigiiffiup sulineranut pisariaqartitaanullu naapertuunneranik naleqqussarsimananillu qulakkeerinissaq siunertarlugu siulersuisut suleriaasissatik ukiumoortumik misissortassagaat inassutigineqarpoq.</p>	<p>Malippaa</p>		<p>Siulersuisut suleriaasissaat tassungalu allannguutaasinnaasunik siunnersuutit siulersuisut ukiumut pilersaarutaannut naleqqiullugit siulersuisut ukiumoortumik ataatsimeeqqaarneranni ullormut oqaluuserisassanut ilaatinneqartarput. Siulersuisut suleriaasissaat kingullermik nutarterneqarpoq februaarip 26-ani 2020-mi.</p>
<p>4.3.2. Qullersaqarfik pillugu suleriaasissamik siulersuisut ukiumoortumik misissuisarnissaat akuersisarnissaallu inassutigineqarpoq, aammatassunga ilanngullugu siulersuisunut piffissaq eqqorlugu naammattumik qullersaqarfiup nalunaarusiortarnissaanut piumasaqaatinik aalajangersaaneq kiisalu aqutsisuni oqartussatmarluk akornanni allatigut attaveqarnermut.</p>	<p>Malippaa</p>		<p>Royal Arctic Linemi pisortaqtigiinnut Pisortaqtigiinnut ilitsersuut siulersuisut nalinginnaasumik ataatsimiinneranni marsip pingajuani 2022-mi kingullermik oqaluuserineqarpoq akuerineqarlunilu.</p>

4.4 Siulittaasoq siulittaasullu tullia			
4.4.1. Siulittaasup peqannginnerani sulisussamikallatigullu siulittaasup sunniuteqarluartumik siunersieqatiginissaanut siulersuisunut siulittaasup tullissaanik toqqaasoqassasoq inassutigineqarpoq.	Malippaa		Siulersuisut suleriaasianni § 2.2-mi atuarneqarsinnaavoq siulersuisut inissitsiteriffiusumik ataatsimiinneranni siulittaasup tullianik toqqaasoqassasoq. Royal Arctic Line A/S-imut ileqqoreqqusani atuarneqarsinnaavoq siulersuisut akunnerminni siulittaasup tullianik toqqaassasut.
4.4.2. Siulittaasup aamma siulittaasup tulliaata suliassanik, pisussaaffiinik akisussaaffiinillu allaaserinnittumik sulinissamut suliassanillu allaaserinnittoqarnissaa inassutigineqarpoq.	Malippaa		Siulittaasup siulittaasullu tulliaata suliassaat, pisussaaffigisaat akisussaaffigisaallu Royal Arctic Linemi siulersuisut suleriaasianni § 4.1-imi, 5.1-imi & 6.1 – 6.6-imi allaaserineqarput.
4.4.3. Qaqtigoortumik ingerlatseqatigiiffik pillugu immikkut suliassanik siulersuisuni siulittaasoq isumaginneqqullugu siulersuisut qinnuteqarpata, tassunga ilanngullugu ulluinnarni aqutsinermi piffissami sivikitsumik peqataaneq, tamanna pillugu siulersuisut aalajangiinerat pigineqassaaq, siulersuisut pingaarnertigut aqutsinerisa nakkutilliinerannullu allanngortitsinngitsumik qulakkeerinnittumik qanoq iliornissamut piareersaanerit ilanngullugit. Siulittaasup, siulittaasup tulliaata, siulersuisullu sinnerisa aammaqullersaqarfiup akornanni illersorneqarsinnaasumiksuliat agguarneqarnissaat qulakkeerneqassaaq. Ulluinnarni aqutsinermi siulittaasup peqataanissaa tamatumalu qanoq sivisutiginissaa ingerlatseqatigiiffiup nalunaarutaatigut ilisimatitsissutigineqassaaq.	Malippaa		Taama pisoqartillugu Royal Arctic Line ingerlatseqatigiiffinni ingerlatsilluarnissamut najoqqutassat naapertorlugit iliuuseqassaaq.

5. Siulersuisut katitigaanerat aaqqissugaanerallu

5.1. Siulersuisuni qullersaqarfimmilu sulinerup nalilersornera			
<p>5.1.1. Siulersuisunik nalilersuinerup ukiumoortumik siulersuisunit ingerlanneqartassasoq inassutigineqarpoq. Siulersuisunik nalilersuinerup siunertaraa siulersuisut tamarmiusut aamma siulersuisuni ilaasortat ataasiakkaat ukiumi qaangiuttumi sulisimanerannikkiisalu siulersuisut piginnaasatigut katitigaanerini aktiaatillip siulersuisullu nalilersuinissaat. Siulersuisunik nalilersuineq makkuninnga imaqartariaqarpoq:</p> <p>Piginnaasatigut pisariaqartitanik misissuineq – ingerlatseqatigiiffimmut aalajangersimasumut siulersuisunut pitsaanerpaanut piginnaasat pisariaqartinneqartut allaaserineri. Nalilersuineq</p> <p>Siulersuisut tamarmiusut pisinnaasaannik piginnaasaannillunalilersuineq. Siulersuisuni ilaasortat ataasiakkaatsunik pisinnaasanik piginnaasanillu tunniussisinnanenerannik nalilersuineq. Ilaasortat amerlassusaatingerlatseqatigiiffiup pisariaqartitaanut naleqqiullugu naapertuunnersut nalilersuineq. Piginnaasatigut nikingassuseqarnermik misissuineq – siulersuisut pitsaanerpaat aamma maannakkut siulersuisuusut akornanni nikingassutsip nalilersornerata eqikkarneqarnera.</p> <p>1) Siulersuisut katitigaanerini piginnaasatigut ineriartortitsinikkut aamma/imaluunniit iluarsinikkut piginnaasatigut pisinnaasatigullu nikingassutaasup matuneqarnissaanut inassuteqaatit.</p>	Malippaa		Ingerlatseqatigiiffinnut allattoqarfik Naalakkersuisut siulittaasuata Naalakkersuisoqarfiata ataaniittoq siulersuisunut ukiumoortumik nalilersuisitsisarpoq.

5.1.2. Ukiut allortarlugit siunnersorti avataaneersooq suleqatigalugu siulersuisunik naliliisarnissaq inassutigineqarpoq , pissutsit atuuttut naapertorlugit ukiuni tullerni marlunni pingasuniluunniit taamatut naliliisarnissaq pisariaqartinneqanngippat.	Malippaa		Siulersuisunik nalilersuineq avataaneersunit ikiorteqarluni 2020-mi ingerlanneqarpoq, immikkoortoq 5.1.1 aamma takuuk. 2021-mi aamma 2022-mi ingerlatseqatigiiffinnut allattoqarfik innersuussutigalugu suliffeqarfiup iluani siulersuisunik naliliinermik ingerlatsisoqanngilaq. Suliffeqarfiup iluani siulersuisunik nalilersuinerup avataaneersunit ikiorteqarluni 2023-mi Q3-mi ataatsimiinnerup kingorna ingerlanneqarnissaa naatsorsuutigineqarpoq.
5.1.3. Siulersuisut minnerpaamik ukiumut ataasiarlutik piumasaqaatit siumut aalajangersakkat tunngavigalugit aqutsisut suliaannik angusaannillu nalilersuisarnissaat inassutigineqarpoq .	Malippaa		Pisortaanerup anguniakkat iliutsillu ukiup ingerlanerani malunnaateqarsimasut pillugit saqqummiussereernerani pisortaqatigiit angusaat nalilersuiffigineqartarput.
5.1.4. Qullersaqarfik siulersuisullu suleriaatsimikaalajangersaassasut inassutigineqarpoq , tamatuma kingorna siulersuisuni siulittaasup aamma pisortaanerup akornanni aaqqissugaasumik oqaloqatigiittoqarneratigut taakku sulinerat ukiumoortumik nalilersorneqarluni, kiisalu nalilersuinerup inernerani siulersuisunut aktiaatilimmullu saqqummiunneqarluni.	Malippaa		Tamanna ukiumoortumik nalilersuinermi isumagineqartarpoq. Tamatuma saniatigut siulersuisut ataatsimiinnerini tamani "siulersuisut minutsini 15-ini" pisarpoq, ingerlaavartumik suleqatigiinneq siulittaasumit ilisimatitsissutigineqartarluni siulersuisullu sinneri aamma siulittaasumut immersuisinnaallutik, tassunga ilanngullugu ingerlaavartumik suleqatigiinneq pillugu.
5.2. Siulersuisunut ilaasortat ilinniartitaanerat			
5.2.1. Siulersuisunut ilaasortat ilaasortanngorneranni ingerlatseqatigiiffimmut aallarniutitut ilisaritinnissaat siulersuisuni siulittaasup qulakkiissagaa inassutigineqarpoq , tassunga ilanngullugu ingerlatseqatigiiffimmut naleqqiullugu aktiaatillip pingaarnertigut ingerlatsinera.	Malippaa		Atortussanik attuumassuteqartunik tunniussisarneq siulersuisunut ilaasortanik nutaanik tikilluaqqusinermit pisortatigoortumut ilaavoq, siulersuisut suleriaasianni §2.4 naapertorlugu. Siulersuisunut ilaasortat tamarmik Board Management Systemimut isersinnaapput, siulersuisullu takussutissaataat tamarmik tassaniipput.
5.2.2. Inassutigineqarpoq siulersuisuni siulittaasup ilaasortanngortut peqatigalugit ilaasortap piginnaasaanik nalilersuisassasut, piginnaasatigut nalimmassaanissaq imaluunniitannertusaanissaq pisariaqarnerasoq.	Malippaa		Nalilersuineq pineqartoq siulittaasumit isumagineqartarpoq Naalakkersuisut siulittaasuata Naalakkersuisoqarfiani ingerlatseqatigiiffinnut allattoqarfik suleqatigalugu.

5.3. Siulersuisut kiffaangissuseqarnerat			
<p>5.3.1. Siulersuisuni ilaasortat ataatsimeersuarnermi toqqarneqartut tamarmik kiffaangissuseqarnissaat inassutigineqarpoq, taamaalilluni siulersuisut immikkut soqutigisaminnut kiffaangissuseqarlutik iliuseqarsinnaallutik.</p> <p>Kiffaangissuseqassagaanni pineqartoq imatutinissisimassanngilaq:</p> <ul style="list-style-type: none"> a) ingerlatseqatigiiffimmi imaluunniit ingerlatseqatigiiffimmi kattuffigisaani maannakkut imaluunniit ukiut kingulliit marluk iluanni qullersaqarfimmi ilaasortaasimassanngilaq imaluunniit sulisutut aqutsisuusimassanngilaq b) siulersuisuni ilaasortatuunngitsoq allatulli ingerlataqarluni ukiut kingulliit marluk iluanni ingerlatseqatigiiffimmiit/suliffissuaqarfimmit imaluunniit ingerlatseqatigiiffimmit kattuffigisaaniit anginerusumik akissarsiaqarsimassanngilaq, c) ingerlatseqatigiiffiup kukkunerisuiisuani maannakkut imaluunniit ukiut kingulliit marluk iluanni atorfeqarsimanani imaluunniit piginneqataasimanani, d) ingerlatseqatigiiffimmi akuleriilluni aqutsisutigut sinniisuuffiusumi ingerlatseqatigiiffimmi pisortaalluni, e) ukiut qulingiluat sinnerlugit siulersuisuniilaasortaasimalluni, imaluunniit inunnik atassuteqartutut isigineqartunikqanittumik ilaqutaaneq 	Malippaa		Siulersuisunut ilaasortat kiffaangissuseqarnerat pillugu apeqqummut ilassutitut, siulersuisut suleriaasianni § 4.4-mi attuumavallaarneq pillugu ilitsersuut atuarneqarsinnaavoq.

5.4. Siulersuisunut ilaasortat sulisunit toqqarneqartut

<p>5.4.1. Sulisut ataatsimiititaliaat pillugit aamma taakkuninnga ingerlatseqatigiiffiup atuinissaanut maleruagassanik ukiumoortumik nalunaarusiami imaluunniit ingerlatseqatigiiffiup nittartagaani nassuiaasoqassasoq inassutigineqarpoq, sulisutsinniisaat pillugit ingerlatseqatigiiffiit pillugit inatsimmi maleruagassat ator neqarnissaat sulisunit toqqarneqarsimatillugu.</p>	<p>Malippaa</p>		<p>Royal Arctic Linep ukiumoortumik nalunaarutaani nittartagaanilu siulersuisunut ilaasortat akornanni kikkut sulisunit qinigaasimanersut, qanga qinigaasimanersut qinigaaffiallu qanoq sivisutiginersoq atuarneqarsinnaavoq. Sulisut siulersuisuini sinniisissaannik 2022-mi qinersisoqarpoq ukiuni sisamani atuuttussanik, tassanilu Laust Vestergaard aamma Eydu Simonson qinigaqqippu Tina Lange Olsenillu Jens Peter Berthelsen taarserpaa.</p> <p>Royal Arctic Linep siulersuisuinut sulisut sinniisissaannik qinersisarnermut tunngatillugu, Royal Arctic Linep Sulisut siulersuisunut ilaasortassanik qinersisarnermut Nalunaarut Kalaallit Nunaannut atuuttoq malippaa.</p>
<p>5.5. Ataatsimiinnerit akulikissusiat</p>			
<p>5.5.1. Ataatsimiinnissamut sulinissamullu pilersaarut siumoortumik aalajangersarneqarsimasoq naapertorlugu siulersuisut akuttunngitsumik ataatsimiittarnissaat inassutigineqarpoq, aamma ingerlatseqatigiiffiup pisariaqartitaanut naleqqiullugu pisariaqartutut imaluunniit naleqquttut tamanna isigineqartillugu.</p>	<p>Malippaa</p>		<p>Royal Arctic Linep siulersuisuinut suleriaasissami § 3.2-mi atuarneqarsinnaavoq siulersuisut ukiumut ikinnerpaamik sisamariarlutik ataatsimiittassasut, kiisalu siulersuisut siulittaasuata pisariaqarsorippagu, imaluunniit siulersuisunut pisortaqtigiinniluunniit ilaasortap ataatsimiittoqarnissaanik siulersuisunut piumasaqarpat.</p> <p>Siulersuisut ukiumi aggersumi ukiullu aappaa avillugu ataatsimiiffissat Royal Arctic Linemi siulersuisut ukiumi ataatsimiinnerisa aappaanni (apriili/maaji) aalajangersarneqartarput, tamatumunngalu peqatigitillugu sammisat immikkut ittut siulersuisut nalinginnaasumik ataatsimiinnissaannut tullermut utaqqisinneqarsinnaanersut, imaluunniit siulersuisut immikkut ittumik ataatsimiinnissaannut aggersaasoqassanersoq ingerlaavartumik nalilersuisoqartarpoq.</p>
<p>5.6. Aqutsisut ataatsimiititaliaat (komitét)</p>			
<p>5.6.1. Ingerlatseqatigiiffik ukiumoortumik nalunaarusiami aqutsisut nalunaarutaanni imaluunniit ingerlatseqatigiiffiup nittartagaani uku tamanut saqqummiunneqassasut inassutigineqarpoq:</p> <ul style="list-style-type: none"> • Aqutsisut ataatsimiititaliaannut suliaqarsimasut • Ukiup ingerlanerani ataatsimiititaliaat suliaat pingaernerit aamma ataatsimiititaliani tamani ataatsimiinnerit amerlassusiat, kiisalu • Aqutsisut ataatsimiititaliaanni ataasiakkaani ilaasortat aqqi, tassunga ilanngullugit ataatsimiititaliani siulittaasut, kiisalu 	<p>Malippaa</p>		<p>Royal Arctic Linep siulersuisui aqutsisoqarnikkut ataatsimiititalianik pingasunik pilersitsisimappu - Kukkuersiunerimut ataatsimiititaliaq, Toqqaasussanik akissarsisitsisarnermullu ataatsimiititaliaq kiisalu Inatsisunik malitsitsinissamut ataatsimiititaliaq. Ataatsimiititalianut pineqartunut suliaqarsimasut ingerlatseqatigiiffiup nittartagaani nassaarineqarsinnaappu ataatsimiititalianilu ingerlanneqartartut pingaernerit aamma taakkunani atuarneqarsinnaallutik.</p>

<p>immikkut piukkunnaateqarlutik kikkut ilaasortaaneri pillugit paasisutissat.</p>			
<p>5.6.2. Naatsorsuutini immikkoortiterineq D naapertorlugu kukknersuiner ataatsimiititaliamik siulersuisut pilersitsissasut inassutigineqarpoq.</p>	Malippaa		Siulersuisut kukknersuiner ataatsimiititaliaat siulittaasumik ataatsimik ilaasortanillu nalinginnaasunik marlunnik katitigaavoq.
<p>5.6.3. Kukknrsuiner ataatsimiititaliapkatitigaanerani uku qulakkeerneqassasoq inassutigineqarpoq:</p> <ul style="list-style-type: none"> • siulersuisut siulittaasu kukknersuiner ataatsimiititaliamut siulittaasuussanngitsaq • ataatsimiititaliaq tamarmiulluni imatut piginnaasaqassasoq misilittagaqassasorlu aningaasanut tunngasutigut kiisalu ingerlatseqatigiiffinni naatsorsuutitut kukknersuinermillu pissutsinik paasisimasaqarlutillu misilittagaqarlutik. 	Malippaa		Siulersuisunut siulittaasooq kukknersuiner ataatsimiititaliamik siulittaasuunngilaq kukknersuiner mullu ilaasortat suliatigut ilisimasaat atuuffinnilu assingusuni misilittagaat tunngavigalugit toqqagaapput.
<p>5.6.4. Ukiumoortumik nalunaarusiap allatigullu aningaasaqarnikkut nalunaarusiap akuerineqarnissaat sioqqullugu kukknersuiner miataatsimiititaliaq uku pillugit siulersuisunut nakkutiginnillutillu nalunaarusiussasut inassutigineqarpoq:</p> <ul style="list-style-type: none"> • Immikkoortuni pingaaruteqartuni naatsorsueriaaseq, 	Malippaa		Ukiumoortumik nalunaarusiap Kukknersuiner ataatsimiititaliamut misissugassanngorlugu ataatsimiititaliap nalinginnaasumik ataatsimeeqqaarnerani saqqummiunneqartarpoq ukiumoortumik nalunaarusiap siulersuisut sinnerinut akuerisassanngorlugu saqqummiunneqannginnerani.

<ul style="list-style-type: none"> • Naatsorsuutitigut pingaaruteqartunik missiliuineq, • Peqatigisamut qanigisamut nuussinerit, aamma <p>Nalornissutit ernumanartullu, tassunga ilanngullugu naatsorsuutigisanut attuumassuteqartut.</p>			
<p>5.6.5. Inassutigineqarpoq kukkunersiuiernerut ataatsimiititaliaq:</p> <ul style="list-style-type: none"> • ingerlatseqatigiiffiup iluani kukkunersiuiinissap pisariaqartinneranik ukiumoortumik naliliisassasoq, taamaattoqassappallu, • ingerlatseqatigiiffiup iluani kukkunersiuisutaqutsisuannik toqqaasoqassasoq, atorfinitsitsineq soraarsitsinerillu aamma kukkunersiuisut missingersuutaat pillugit inassuteqaatinik saqqummiussisoqartarluni, aamma • ingerlatseqatigiiffiup iluani kukkunersiuisutinerniliinerannik inassuteqaataannillu • qullersaqarfiup malitseqartitsineranik nakkutilliissasoq. 	Malippaa		<p>Siulersuisut ukiumi pisissanut pilersaarutaat naapertorlugu siulersuisut Q2-mi nalinginnaasumik ataatsimiinneranni tamanna siulersuisunit tamarniusunit tamanna nalilerneqarpoq.</p>

<p>5.6.6. Toqqaasussanik ataatsimiititaliamik pilersitsisoqassappat inassutigineqarpoq ataatsimiititaliap ulluinnarni aqutsisunik nalilersuinermut atatillugu minnerpaamik piareersamermit makku suliassarissagai:</p> <ul style="list-style-type: none"> a) Ulluinnarni aqutsinermit pisariaqartinneqartut piukkunnaatit, allaaserineqarneri kiisalu ulluinnarni aqutsinermit pigineqartut piginnaasat, ilisimasat misilittakkallu nalilersorlugit, b) Ulluinnarni aqutsisut aaqqissugaanerit, angissusiat, katitigaanerit angusaallu ukiumoortumik nalilersorlugit kiisalu allannguutaasinnaasunik siulersuisunutinassuteqarluni, c) Aqutsisuni ilaasortat ataasiakkaat piginnaasat, ilisimasaat misilittagaallu ukiumoortumik nalilersorlugit kiisalu tamanna pillugu siulersuisunut nalunaarusiorluni, d) Ulluinnarni aqutsisut akornannitsiulersuisunut ilaasortassamik siunnersuuteqarluni 	Malippaa		Imm. 5.6.1 takuuk.
---	----------	--	--------------------

<p>5.6.7. Akissarsiat pillugit ataatsimiititaliamik pilersitsisoqassappat inassutigineqarpoq ataatsimiititaliaq piareersaalluni minnerpaamik ukuninnga suliaqassasoq:</p> <ul style="list-style-type: none"> • Siulersuisunut akuerisassanngortillugu qullersaqarfimmut akissarsiat pillugit ingerlatsinnissamik inassuteqarneq (tassunga ilanngullugit kajumissuseqarneq tunngavigalugu akissarsiaqartitsinissamut pingaarnertigut najoqqutassiat, • Qullersaqarfiup akissarsiassai pillugit siulersuisunut siunnersuuteqarneq kiisalu akissarsiat ingerlatseqatigiiffiup akissarsiat pillugit politikianut pineqartullu sulineranik naliliinermut naapertuunnersut qulakkeerlugu. Suliffissuaqarfimmi suliffeqarfinni allaniit qullersaqarfiup akissarsiai tamarmiusut pillugit ataatsimiititaliaq ilisimasaqassaaq, aamma Qullersaqarfimmi akissarsiat ukiumoortumik nalunaarusiami paasissutissani eqquissumik, eqqortumik takutitsisumik tamakkiisumillu nalunaarutigineqarsimanerat nakkutigalugu. 	Malippaa		<p>Imm. 5.6.1. takuuk. Akissarsiat pillugit ataatsimiititaliaq pisortaqaatigiit akissarsiaat pillugit isumaqatigiinniartarnera suliakkiissummi aamma atuarneqarsinnaavoq, siulersuisuniilli tamarmiusunit inaarutaasumik akuersissutigineqartarput.</p> <p>Suliakkiissut akissarsiallu pillugit suliakkiissutaasoq ingerlatseqatigiiffiup nittartagaani pissarsiarineqarsinnaapput.</p>
---	----------	--	---

6. Aqutsisut akissarsiaat

6.1. Akissarsiat pillugit politikkip ilusia imarisaalu

<p>6.1.1. Qullersaqarfimmut sulisunullu aqutsisunutallanut akissarsiatigut politikki makkuninnga imaqartoq siulersuisunit akuerineqassasoq inassutigineqarpoq:</p>	Malippaa		Akissarsiat pillugit politikki ingerlatseqatigiiffiup nittartagaani pissarsiarineqarsinnaavoq kingullermilu novembarip 30-ani 2016-imi nutartigaalluni.
---	----------	--	---

<p>a) akissarsianut ilaasut ataasiakkaat toqqarneqarnerinut tunngavilersuut, aamma</p> <p>b) akissarsiani immikkoortut ataasiakkaatakornanni oqimaaqatigiinnerinut tunngavilersuummut nassuiaat.</p>			
<p>6.1.2. Akissarsianut politikki tassanilu allannguutit ingerlatseqatigiiffiup ataatsimeersuarnerani akuerineqartassasut inassutigineqarpoq.</p>		Malinngila	<p>Royal Arctic Linep akissarsiat pillugit politikki ingerlatseqatigiiffiup siulersuisuinit akuersissutigineqartarpoq pisortaqatigiillu akissarsiaat pillugit najoqqutassat ilaallutik. Siulersuisut akissarsiaqartitaanerannut Namminersorlutik Oqartussat susasaqarfimmut politikkiat malinneqarpoq, ingerlatseqatigiiffiullu nalinginnaasumik ataatsimeersuarneranut atatillugu pisortatigoortumik akuersissutigisassanngortinneqartarluni.</p>
<p>6.1.3. Akissarsianut politikkip, qullersaqarfiup akissaasersorneranut ilaasunik akissarsianut ilaasunik naammattumik allaaserinninnermik imaqarnissaa inassutigineqarpoq.</p>	Malippaa		<p>Royal Arctic Linep akissarsiat pillugit politikki akissarsiat qanoq ittut pisortaqatigiinnut ilanngunneqartarnerat nassuiaatigineqarpoq.</p>
<p>6.1.4. Akissarsianut politikkip erseqqissuunissaa paasiuminartuunissaalu inassutigineqarpoq, imarisaalu ukiumoortumik nalunaarusiami aqutsisut nassuiaataanni eqqartorneqarluni, kiisalu akissarsianut politikki ingerlatseqatigiiffiup nittartagaani tamanut saqqummiunneqarluni.</p>	Malippaa		<p>Akissarsiat pillugit politikki ukiumoortumik nalunaarusiap nassuiaataani immikkoortumik Ingerlatseqatigiiffittut ingerlatsilluarnissamut tunngasumi allaaserineqarpoq ingerlatseqatigiiffiullu nittartagaatigut avammut aamma saqqummiunneqarluni.</p>
<p>6.1.5. Akissarsiat tamarmiusut, qullersaqarfimmi ilaasortat ataasiakkaat ingerlatseqatigiiffimmiit aamma suliffissuaqarfimmi suliffeqarfinnit allaniit pissarsiaat pillugit ukiumoortumik/suliffissuaqarfiup naatsorsuutaani paasissutissanik aqutsisoqarfik tunniussisassasoq inassutigineqarpoq, aamma akissarsianut politikki ataqatigiissuseq pillugu nassuiaasoqarluni.</p>	Malippaa		<p>Pisortaqatigiinnut siulersuisunullu akissarsiat Royal Arctic Linep ukiumoortumik nalunaarummi paasissutissiissutigisarpai, soorlu aamma immikkoortumi ingerlatseqatigiiffittut ingerlatsilluarnissamut tunngasumi akissarsiat pillugit politikki innersuusutigineqartoq.</p>

<p>6.1.6. Akissarsiat tamarmiusut pillugit paasissutissiinerup ilaatut suliaqarneq tunngavigalugu ingerlatseqatigiiffiup qullersanut pisussaaffigisaanik pensionisiaqartitsisoqarnersoqkiisalu aaqqissuussinerit taakku nalingi aamma ukiup ingerlanerani allanngorarneri ilisimatitsissutigineqassasut inassutigineqarpoq</p>	Malippaa		Royal Arctic Linemi suliaqarneq tunngavigalugu soraarnerussutisiassanik aaqqissuussinernik tunniussisoqarneq ajorpoq.
<p>6.1.7. Soraarsitsinermi piffissalersuineq, sulisunikattassiinnarnissamut suliunnaarsitsinissamullu aaqqissuussinerit pillugit paasissutissat pingaarnerit ingerlatseqatigiiffiup ukiumoortumik nalunaarusiaani tamanut saqqummiunneqassasut inassutigineqarpoq.</p>	Malippaa		Pisortaqatigiit akissarsiaat soraarnerussutisiassanut tapit ilanngullugit ukiumoortumik nalunaarummi atuarneqarsinnaapput, niuerfimmilu atugassarititaasunut naapertuuttut naliilerneqarlutik.
<p>6.1.8. Inassutigineqarpoq akissarsianut politikki allanngorartunik imaqarpat siulersuisut qulakkiissagaat:</p> <ul style="list-style-type: none"> • Akissarsiat ilai allanngorartut akissarsiattamarmiusut annerpaamik affaatut annertutigissasut, • Aqutsisut akissarsiaqartinneri, ajutoorfiusinnaasut naatsorsuutigineqarsinnaasut aamma siunissami qanittumi ungasissumilu aktiaatilinnut nalinik pilersitsinerit akornanni naleqquttumik oqimaaqatigiissumillu ataqatigiittoqarnera, • Allanngorartut piviusunngortinnissaannut angusatigut piumasaqaatit erseqqissuuneri uuttorneqarsinnaanerilu, aamma 	Malippaa		Akissarsiat pillugit politikki ingerlatseqatigiiffiup sulisuinut bonuseqartitsinissamik periarfissiivoq. Akissarsiat ilaat allanngorartut akissarsiat tamarmiusut affaasa ataateqqavaat. Bonusisitsinermut sulisup pineqartup ingerlatseqatigiiffiullu ukiup ilivitsup ingerlanerani qanoq naammassisaqarsimanerannik anguniakkanillu angusaqarsimanerani tunngaveqartarpoq. Anguniakkanik angusaqarneq ukiup ingerlanerani ingerlaavartumik nalilersuiffigineqartarpoq ingerlatseqatigiiffiullu iliuusissaata naammassineqarnissaanik pingaarnertut ukkataqarfiusarluni, tassuunalu suliffeqarfimmu piffissaq ungasinnerusoq eqqarsaatigalugu naleqalersitsinissaq qulakkeerneqartarluni.

<ul style="list-style-type: none"> Akissarsiat pillugit isumaqatigiissutip ilaa allanngorartut tamakkiisumik ilaannakuusumilluunniit ukioq ataaseq sinnerlugu katersorneqarsinnaanerannik ungasissoq isigalugu nalinik pilersitsinissamik qulakkeerinninnissaq anguniarlugu piumasaqaatinik aalajangersaasoqassasoq. 			
---	--	--	--

6.1.9. Qullersaqarfimmi akissarsiat pillugit isumaqatigiissutit, akissarsiat ilai allanngorartut pillugit isumaqatigiissutinik imaqtartut, paasissutissat, kingusinnerusukkut kukkusuunerannik uppersarneqartut, tunngavigalugit akissarsiat ilai allanngorartut tunniunneqarsimasut tamakkiisumik ilaannakuusumilluunniit utertinneqarnissaannut pisuni aalajangersimaqqissaartuni.	Malippaa		Imm. 6.1.7 takuuk
6.1.10. Suliunnaarsitsinermi ajunngitsorsiasat, soraarsitsinermi piffissalersuineq assigisaalluunniit annerpaamik aalajangersimasumik akissarsiatut naleqassasut inassutigineqarpoq . Suliunnaarsitsinermi ajunngitsorsiat taamaallaat tunniunneqarsinnaapput ingerlatseqatigiiffik soraarsitsisuuppat.	Malippaa		Imm. 6.1.7 takuuk

7. Naatsorsuutininik saqqummiussineq (Aningaasaqarneq pillugu nalunaaruteqarneq)			
7.1. Paasissutissat attuumassuteqartut allat			
7.1.1. Ukiumoortumik nalunaarusiaq allatigullu aningaasaqarnikkut nalunaarusiaq, tiguisussap	Malippaa		Royal Arctic Linep ukiumoortumik nalunaarusiaa aamma anguniakkat aningaasaqarnermut tunnganngitsut pillugit nalunaaruteqarnermik imaqarpoq; tassunga ilaallutik piffissamik eqquilluartarneq, sulisut naammagisimaarinninnerat, ilinniartitaaneq ilinniartoqarnerlu.

paasissutissatigut pisariaqartitsineranut naleqqiullugu piumasarineqartutut attuumassuteqartutulluunniit naatsorsuutigineqartunik, aningaasaqarnikkut aamma aningaasanut tunngasuunngitsunik paasissutissanik ilassuteqarnissaa inassutigineqarpoq			
---	--	--	--

7.1.2 Ukiumoortumik nalunaarusiami ingerlatseqatigiiffiup anguniagaanik naammassisaqarnermik allaaserinninnissaa inassutigineqarpoq , tassunga ilanngullugu anguniakkat siulersuisunit aktiaatilimmiillu aalajangersarneqarsimasut.	Malippaa		Royal Arctic Linep ukiumoortumik nalunaarutaani aningaasaqarnermut tunngatillugu anguniakkat aamma anguniakkat aningaasaqarnermut tunnganngitsut aammalu kisitsisit pingaarnerit arlallit nassuiaatigineqarput, ilaatigut soorlu sulisumut ataatsimut kaaviiartitat, sulisumut ataatsimut akileraannginnermi sinneqartoorutaasut, piffissamik equilluartarneq allallu.
--	----------	--	--

8. Qularnartut nakkutigalugit aqutsineq suliffiullu iluani nakkutilliineq

8.1. Qularnartut suunerinik paasisaqarneq			
8.1.1. Siulersuisut ineriartornermik malinnaanissaat aamma pisariaqartutigit aalajangiisarnissaat siuerneratalugu ingerlatsinerit, sinaakkutissat il.il. akuerineqarsimasut eqqortinnissaat aamma immikkoortut qularnartut pingaarnerit iluani ineriartorneq pillugu qullersaqarfiup siulersuisunut ingerlaavartumik nalunaarusiortarnissaa inassutigineqarpoq.	Malippaa		Siulersuisut aningaasaqarnikkut aarlerinaatilinnut tunngatillugu qaammammoortumik nalunaarusianik pissarsisarput siulersuisullu suleriaasissaat kiisalu ingerlatseqatigiiffiit pillugit inatsit aqutugalugu ukiumoortumik naatsorsuutit, ukiup affaanut nalunaarutit aamma kukkunerisuisut nalunaarutaannik misissuinissaq siulersuisut pisussaaffigaat. Aarlerinaatilinnik aqutsinernut allanut tunngatillugu siulersuisut ingerlatanut aningaasaliinissamik pisariaqartitsiffiusunut nalunaarutininik, taakkunungalu missingersuutininik, aaqqissugaanerannik allanillu pissarsisarput. Aningaasaqarnermut niuernernullu tunngatillugu pingaarnerusutigit misissueqqissaarnerit, soorlu forecastsit aamma aningaasaqarnikkut ilusiligaanernik misissueqqissaarnerit, aamma siulersuisunut saqqummiunneqartarput.
8.1.2. Ulluinnarni aqutsisut akisussaaffitsik pillugu eqqortumik sillimmaserneqarsimanersut siulersuisunit ukiumut ataasiarluni naliliiffigineqartarnissaa inassutigineqarpoq.	Malippaa		Siulersuisut suleriaasissaanni § 3.7 naapertorlugu siulersuisut ukiumut ataasiarlutik ingerlatseqatigiiffimmi sillimmasiineritut pissutsit misissortussaavaat; tassunga ilanngullugu aqutsisoqatigiit akisussaaffeqarnermut sillimmasigaanerit, tamannalu ukiumut pilersaarut malillugu siulersuisut Q1-imi nalinginnaasumik ataatsimiinneranni siullermi pissaaq.

8.1.3. Ulluinnarni aqutsisut akisussaaffitsik pillugu eqqortumik sillimaserneqarsimanersut siulersuisunit ukiumut ataasiarluni naliliiffigineqartarnissaa inassutigineqarpoq.	Malippaa		8.1.2 takuuk.
8.3. Qularnartut nakkutigalugit aqutsinerup ammaffiunissaa			
8.3.1. Niuernikkut qularnartunut tunngatillugu ingerlatseqatigiiffiup aarlerinartunik aqutsinerapillugu ingerlatseqatigiiffiup aqutsisut nassuiaataani paasissutissiinissaa inassutigineqarpoq.	Malippaa		Royal Arctic Linep ukiumoortumik nalunaarusiaa paasissutissanik aningaasaqarnermut kiisalu niuernikkut tunngatillugu aarlerinaatilinnik aarlerinaatilinnillu aqutsinerumut tunngasunik imaqarpoq.

9. Kukkuersiineq			
9.1. Kukkuersiuisumut atassuteqarneq			
9.1.1. Kukkuersiuisup siulersuisullu akornanni akuttunngitsumik attaveqartarneq paasissutissanillu paarlaasseqatigiinneq siulersuisunit qulakkeerneqassasoq inassutigineqarpoq.	Malippaa		Royal Arctic Linep siulersuisuinut suleriaasissami atuarneqarsinnaavoq kukkuersiuisup nalunaarutaanik saqqummiussineq siulersuisut ataatsimiinnerini ullormut oqaluuserisassani aalajangersimasumik immikkoortortaqartinneqassasoq, kiisalu siulersuisut naatsorsuutit pillugit ukiumoortumik ataatsimiinneranni, ukiumoortumik naatsorsuutit misissorneqarfigmaanni, kukkuersiuisup sinniisaanik najuuttoqassasoq.
9.1.2. Kukkuersiineq pillugu isumaqatigiissuttassungalu atasoq kukkuersiuisup akissarsiaqarnissaa pillugu siulersuisut kukkuersiuisullu akornanni isumaqatigiissutigineqassasoq inassutigineqarpoq.	Malippaa		Royal Arctic Linemi pisortaqtigiit kukkuersiineq pillugu isumaqatigiissutissaq isumaqatigiinniutigissavaat; tamatumunnga ilanngullugit akissarsiassat. Isumaqatigiissut Royal Arctic Linep siulersuisuinut akuerisassanngorlugu itigartitsissutigisassanngorluguluunniit saqqummiunneqassaaq. Kukkuersiuinissamik suliassamik suliariumannittussarsiuussineq naammassineqareemat kukkuersiuisussamik ingerlatseqatigiiffiup maajimi 2022-mi ataatsimeersuarnerni toqqaasoqarpoq.
9.1.3. Siulersuisut pisariaqartinneqarpallu kukkuersiuinermi ataatsimiititaliaq ikinnerpaamik ukiumut ataasiarluni kukkuersiuisumik naapitsisarnissaa, qullersaqarfimmit peqataaffigineqanngitsumik. inassutigineqarpoq. Suliffiup iluani kukkuersiuisunut, taamaattoqarpat, taamaaqataanik tamanna aamma atuuppoq.	Malippaa		Royal Arctic Linemi siulersuisut ingerlatseqatigiiffiup kukkuersiuisua maajip pingajuani 2022-mi ataatsimeeqatigaat pisortaqtigiinnit peqataaffigineqanngitsumik.
9.2. Suliffiup iluani kukkuersiineq			
9.2.1. Ingerlatseqatigiiffiup iluani nakkutilliinernut qularnartullu nakkutigalugit aqutsinermut tapertaasumik suliffiup iluani kukkuersiuisoqassanersoq ingerlatseqatigiiffinni angisuuni siulersuisut ikinnerpaamik ukiumut ataasiarlutik aalajangiisarnissaat inassutigineqarpoq, tamannalu aalajangiineq ukiumoortumik nalunaarusiami aqutsisut nassuiaataanni tunngavilersortarlugu.	Malippaa		Imm. 5.6.5 takuuk